



6. juli 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqut:

- Aningaasanut inatsimmi sanaartugassanut aningaasaliissuterpasuit pingaartumik Nuummi pilersaarutaasut tamaviisa piviusunngortinneqarnissaat eqqarsaatigalugu Naalakkersuisut qanoq pilersaaruteqarpat?
- Nunatsinni sanaartortitsinermik ingerlatsisut nunaqavissut tamakkiisumik atorluar-neqarnissaat pilersaarutigineqarpa?
- Aningaasaliissutaasut tamarmik nunatsinni kaaviiartinnissaannik sanaartornerit ingerlannissaat Naalakkersuisut naatsorsuutigisinnaavaat?
- Sanaartornikkut ilinniartitaanerit ataqatigiissaakkamik ingerlanneqalersaarpat, tassani eqqarsaatigalugu sanaartornissamik ingerlatsinissamut praktikertunik tiggummisaqarnissamik piumasaaqatitaqartumik qanoq atsigisumik ingerlat-sisoqarniarnersoq?
- Naalakkersuisut illoqarfinnik sisamaannarnik ineriartortitsiniarnerat sumit tunngaveqarpa? Tamanna inissianik sanaartugassanik aningaasanut inatsimmi aningaasaliinermi pingaernerutinneqarluni ersersinneqartoq takuneqarsinnaavoq. Soormi kommunerujussuit pilersinneqareersut aallaavigalugit siamasissumik ineriartortitsinissaq eqqarsaatigalugu aningaasaliissuteqarnissaq pingaartinneqarnerusimanngila?

(Inatsisartuni ilaasortaq Ruth Heilmann, Siumut)

Tunngavilersuut:

Apeqqutit qulaani saqqummiussakka tassaapput 2010-mut Aningaasanut Inatsimmik aallaaveqartumik apeqqutigineqartut aammalu Inatsisartut 2009-imi ukiakkut ataatsimiinnitsinni Aningaasanut Inatsisissaq pillugu oqallinnerni apeqqutit maannakkut saqqummiussakka Naalakkersuisuutitaqartuniit eqqaaneqanngimmata matumuuna akineqarnissaat kissaatigaara.